



Ruj. Tuan : IM.101/HQ-C(U.PERKH)  
1130/1 Jld.7 (54)

Ruj. Kami : SPA.(S)KT/015/109/(5)

Tarikh : 23 Disember 2020

**Ketua Pengarah Imigresen**  
Jabatan Imigresen Malaysia  
(Kementerian Dalam Negeri)  
Tingkat 6 (PODIUM)  
Persiaran Perdana, Presint 2  
62550 Putrajaya  
(u.p.: YBhg. Dato' Makhzan bin Mahyuddin)

YBhg. Dato',

**PEWAKILAN KUASA BAGI MENAWARKAN OPSYEN PERTUKARAN PELANTIKAN SKIM PERKHIDMATAN PENGAWAL KESELAMATAN GRED KP14 DAN KP11 DARI PUSAT TAHANAN SEMENTARA, MAJLIS KESELAMATAN NEGARA KE SKIM PERKHIDMATAN PEGAWAI IMIGRESEN GRED KP19 DI JABATAN IMIGRESEN MALAYSIA**

Saya dengan segala hormatnya merujuk kepada perkara di atas.

2. Sukacita dimaklumkan bahawa Suruhanjaya Perkhidmatan Awam Malaysia pada 23 Disember 2020 telah **meluluskan** penawaran opsyen penetapan Ketua Perkhidmatan bagi 389 orang pegawai di Skim Perkhidmatan Pengawal Keselamatan Gred KP14 dan KP11 dari Pusat Tahanan Sementara, Majlis Keselamatan Negara ke Skim Perkhidmatan Pegawai Imigresen Gred KP19 di Jabatan Imigresen Malaysia.

3. Bagi melaksanakan opsyen tersebut, Suruhanjaya Perkhidmatan Awam Malaysia telah membuat keputusan berikut:

- (i) pertukaran pelantikan melalui opsyen kepada 389 orang pegawai dari Pusat Tahanan Sementara, Majlis Keselamatan Negara ke Jabatan Imigresen Malaysia seperti di **Lampiran A**;
- (ii) syarat-syarat pertukaran pelantikan dan borang opsyen seperti di **Lampiran B dan Lampiran C**;
- (iii) tawaran opsyen berkuat kuasa **mulai 1.1.2021**;
- (iv) tempoh opsyen selama 7 hari dari tarikh surat tawaran dikeluarkan; dan
- (v) mewakilkan kuasa kepada kepada Ketua Pengarah Imigresen Malaysia untuk menawarkan opsyen pertukaran pelantikan kepada pegawai yang terlibat.

SPA.(S)KT/015/109/(5)

4. Selaras dengan keputusan Suruhanjaya ini, Ketua Pengarah Imigresen Malaysia hendaklah mengeluarkan syarat-syarat pertukaran pelantikan, borang opsyen dan surat tawaran masing-masing kepada pegawai yang terlibat.

Sekian, terima kasih.

**“BERKHIDMAT UNTUK NEGARA”**

Saya yang menjalankan amanah,



**(DATUK ZOHARI BIN SAID)**

s.k.:

**Ketua Pengarah Perkhidmatan Awam**  
Jabatan Perkhidmatan Awam  
Bahagian Perkhidmatan  
Aras 7, Blok C2, Kompleks C  
Pusat Pentadbiran Kerajaan Persekutuan  
62510 Putrajaya  
**(u.p.: Encik Badurunhisam bin Mohd Nor)**

**Ketua Pengarah Perkhidmatan Awam**  
Jabatan Perkhidmatan Awam  
Bahagian Pembangunan Organisasi  
Aras 8, Blok C2, Kompleks C  
Pusat Pentadbiran Kerajaan Persekutuan  
62510 Putrajaya  
**(u.p.: Encik Mohamad Razif bin Hj Abd Mubin)**

**Ketua Setiausaha**  
Kementerian Dalam Negeri  
Bahagian Pengurusan Sumber Manusia  
Aras 3, Blok D1, Kompleks D  
Pusat Pentadbiran Kerajaan Persekutuan  
62546 Putrajaya  
**(u.p.: Puan Nik Noraini Nik Ya)**

**SYARAT-SYARAT PERTUKARAN PELANTIKAN MELALUI OPSYEN BAGI  
PENGAWAL KESELAMATAN GRED KP11 KE PEGAWAI IMIGRESEN  
GRED KP19**

- |   |   |
|---|---|
| <p>1. Kerajaan telah memutuskan untuk <b>menyerahkan pengurusan dan fungsi Pusat Tahanan Sementara (PTS) Sabah, Majlis Keselamatan Negara (MKN) kepada Jabatan Imigresen Malaysia (JIM) mulai 1 Januari 2021.</b> Dengan keputusan tersebut, tuan/puan ditawarkan opsyen sama ada menerima untuk ditukar lantik ke <b>skim perkhidmatan Pegawai Imigresen Gred KP19</b> atau jika <b>menolak</b>, tuan/puan akan dibersarakan atau tuan/puan dikehendaki menamatkan perkhidmatan dengan meletak jawatan. Opsyen ini adalah <b>muktamad</b>.</p> | <p><b>OPSYEN</b></p>                          |
| <p>2. Tempoh opsyen yang diberi kepada tuan/puan untuk membuat pilihan ialah <b>7 hari mulai dari tarikh surat tawaran dikeluarkan.</b> Jika tuan/puan tidak membuat pilihan atau tidak melaporkan diri bertugas pada tarikh yang ditetapkan atau membuat pilihan bersyarat/tidak jelas atau gagal mengembalikan borang tanpa sebarang sebab yang munasabah, tuan/puan adalah <b>dianggap menolak tawaran</b> pertukaran pelantikan ini.</p>  | <p><b>TEMPOH<br/>OPSYEN</b></p>               |
| <p>3. Tuan/Puan yang menerima pertukaran pelantikan melalui pemberian opsyen ini akan ditawarkan ke <b>skim perkhidmatan Pegawai Imigresen Gred</b></p>   | <p><b>JAWATAN<br/>YANG<br/>DITAWARKAN</b></p> |

**KP19.** Gelaran jawatan tuan/puan jika perlu akan diubahsuai mengikut skim perkhidmatan tersebut.

4. Tuan/Puan akan tertakluk kepada syarat dan peraturan perkhidmatan seperti yang diperuntukkan di dalam skim perkhidmatan yang tuan/puan ditukar lantik kecuali dinyatakan sebaliknya dalam syarat pertukaran pelantikan ini.

**PEMAKAIAN  
SYARAT  
PERATURAN  
PERKHIDMATAN  
BAHARU**

5. Gaji tuan/puan akan ditetapkan pada:

**GAJI  
PERTUKARAN  
PELANTIKAN**

- a) gaji minimum/gaji permulaan yang ditetapkan di jawatan baharu sekiranya gaji akhir di jawatan asal sama atau lebih rendah daripada gaji minimum/gaji permulaan di jawatan baharu; atau
- b) jika gaji akhir di jawatan asal lebih tinggi daripada gaji minimum/gaji permulaan yang ditetapkan di jawatan baharu, gaji tuan/puan ditetapkan pada amaun gaji yang sama dengan amaun gaji akhir di jawatan asal; atau
- c) jika gaji di jawatan baharu tidak dapat menampung gaji pertukaran pelantikan yang ditetapkan, gaji secara KUP akan dipohon kepada Bahagian Saraan, Jabatan Perkhidmatan Awam.

6. Pergerakan Gaji Tahunan di jawatan asal yang sepatutnya diterima oleh tuan/puan pada tahun pertukaran pelantikan dikuatkuasakan akan diberi pada tarikh kuat kuasa pertukaran pelantikan mengikut Kenaikan Gaji Tahunan jawatan asal.

**PERGERAKAN  
GAJI TAHUNAN**

7. Tarikh Pergerakan Gaji tuan/puan di jawatan baharu akan dikekalkan mengikut Tarikh Pergerakan Gaji tuan/puan di jawatan asal.

**TARIKH  
PERGERAKAN  
GAJI**

8. Tuan/Puan perlu melalui tempoh percubaan minimum 1 tahun dan maksimum 3 tahun di gred pertukaran pelantikan yang tidak tertakluk kepada tempoh percubaan di gred jawatan terdahulu.

**TEMPOH  
PERCUBAAN**

9. Bagi tujuan pengesahan dalam perkhidmatan, tuan/puan perlu memenuhi syarat pengesahan dalam skim perkhidmatan Pegawai Imigresen seperti berikut:

**PENGESAHAN  
DALAM  
PERKHIDMATAN**

- (1) memenuhi tempoh percubaan;
- (2) hadir dengan jayanya Program Transformasi Minda dan lulus perkhidmatan yang ditetapkan; dan
- (3) lulus peperiksaan perkhidmatan yang ditetapkan.

Tuan/puan juga perlu memenuhi syarat yang telah ditetapkan oleh Ketua Perkhidmatan baharu seperti berikut:

(1) mengikuti dengan jayanya Kursus Asas Imigresen; dan

(2) memastikan *Body Mass Index* (BMI) tuan/puan tidak melebihi 30.

Tuan/Puan boleh disahkan dalam perkhidmatan di jawatan baharu sehari selepas memenuhi syarat berikut:

(1) memenuhi tempoh percubaan minimum dengan tidak mengambil kira tempoh percubaan di jawatan asal; dan

(2) memenuhi semua syarat pengesahan lain yang ditetapkan di jawatan baharu. Tuan/Puan yang telah memenuhi semua syarat di jawatan asal, hanya perlu memenuhi sebahagian syarat di jawatan baharu.

10. Kekananan tuan/puan adalah bermula daripada tarikh kuat kuasa pertukaran pelantikan.

**KEKANANAN**

11. Kelayakan cuti rehat tahunan tuan/puan di jawatan baharu dikekalkan mengikut kelayakan cuti rehat di jawatan asal atau di jawatan baharu, mana yang lebih tinggi. Tuan/Puan juga dibenarkan membawa baki cuti rehat dan cuti rehat yang telah dikumpulkan untuk tujuan *award* wang tunai sebagai gantian cuti rehat mengikut peraturan yang berkuat kuasa.

**CUTI REHAT**

12. Jika tuan/puan belum disahkan dalam perkhidmatan di jawatan asal, tuan/puan layak ditawarkan opsyen Skim KWSP semasa diperakukan pengesahan dalam perkhidmatan di jawatan baharu.

**OPSYEN  
SKIM KWSP**

13. Jika tuan/puan yang tidak memilih Skim KWSP semasa di jawatan asal tetapi belum diberi taraf berpencen sebelum tarikh kuat kuasa pertukaran pelantikan, tuan/puan layak diberi taraf berpencen di jawatan baharu mengikut undang-undang pencen yang berkuat kuasa. Tempoh perkhidmatan di jawatan asal boleh diambil kira sebagai tempoh yang boleh dimasukkan kira bagi maksud pemberian taraf berpencen di jawatan baharu. Tuan/Puan yang telah diberi taraf berpencen sebelum pertukaran pelantikan ini dikuatkuasakan, taraf berpencen tersebut adalah dikekalkan.

**TARAF  
BERPENCEN**

14. Pertukaran pelantikan tidak akan menjejaskan umur layak dibayar pencen sekiranya tuan/puan bersara pilihan selepas tarikh kuat kuasa pertukaran pelantikan.

**UMUR LAYAK  
DIBAYAR PENCEN  
BAGI PEGAWAI  
YANG BERSARA  
PILIHAN**

15. Kenaikan pangkat tuan/puan di jawatan baharu adalah tertakluk kepada syarat kenaikan pangkat yang ditetapkan dalam skim perkhidmatan di jawatan baharu. Tempoh perkhidmatan di jawatan asal tidak boleh diambil kira sebagai tempoh melayakan untuk urusan kenaikan pangkat berdasarkan tempoh perkhidmatan (*time-based*).
- KENAIKAN PANGKAT**
16. Tuan/Puan akan sentiasa tertakluk kepada peraturan dan arahan yang berkuat kuasa di agensi baharu.
- KEPERLUAN MEMATUHI PERATURAN**
17. Ketua Perkhidmatan tuan/puan ialah **Ketua Pengarah Imigresen Malaysia**.
- KETUA PERKHIDMATAN**
18. Penempatan tuan/puan adalah seperti mana yang diarahkan oleh Ketua Perkhidmatan/Ketua Jabatan mengikut mana-mana yang berkenaan.
- PENEMPATAN**
19. Tuan/Puan tidak perlu membuat pemeriksaan kesihatan, akuan berkanun, aku janji dan tapisan keselamatan sekiranya tuan/puan telah memenuhi syarat tersebut semasa di jawatan asal.
- SYARAT PELANTIKAN YANG DIKECUALIKAN**
20. Pertukaran pelantikan tuan/puan melalui pemberian opsyen ini adalah berkuat kuasa mulai **1 Januari 2021**.
- TARIKH KUAT KUASA**



21. Hubungan tuan/puan dengan perkhidmatan asal adalah terputus kecuali bagi tujuan faedah persaraan dan kemudahan dalam perkhidmatan yang diberi menggunakan tempoh perkhidmatan. Contoh: Cuti Rehat, Cuti Haji, Cuti Tanpa Gaji dan kelayakan pinjaman.

**HUBUNGAN  
DENGAN  
PERKHIDMATAN  
ASAL**

**BORANG OPSYEN PERTUKARAN PELANTIKAN  
PEGAWAI KESELAMATAN GRED KP14 KEPADA  
PEGAWAI IMIGRESEN GRED KP19**

---

IM.101/HQ-C/895/11 JLD.2 (79)

Jamadilawal 1442H  
Disember 2020

Nama : Yahya bin Ramlan  
680716-12-5741  
Alamat : .....  
.....  
.....

Kepada:

Ketua Pengarah Imigresen Malaysia  
Jabatan Imigresen Malaysia  
No. 15, Tingkat 4 (Menara)  
Persiaran Perdana, Presint 2  
62550 PUTRAJAYA

YBhg. Dato' Indera,

**TAWARAN OPSYEN PERTUKARAN PELANTIKAN DARI SKIM PERKHIDMATAN  
PENGAWAL KESELAMATAN GRED KP14 KE SKIM PERKHIDMATAN PEGAWAI  
IMIGRESEN GRED KP19 DI JABATAN IMIGRESEN MALAYSIA**

Berhubung dengan surat YBhg. Dato' Indera rujukan .....  
bertarikh ..... mengenai perkara di atas, maka saya dengan ini membuat  
pilihan seperti berikut:

- \*(a)  Menerima tawaran opsyen pertukaran pelantikan dari skim perkhidmatan Pengawal Keselamatan Gred KP14 ke skim perkhidmatan Pegawai Imigresen di Jabatan Imigresen Malaysia dengan gaji RM 2259.95 sebulan atas Gred KP19 dengan syarat yang dinyatakan di Lampiran C1 surat tawaran YBhg. Dato' Indera;

ATAU

\***(b)**

**Menolak tawaran opsyen pertukaran pelantikan dari skim perkhidmatan Pengawal Keselamatan Gred KP14 ke skim perkhidmatan Pegawai Imigresen Gred KP19 di Jabatan Imigresen Malaysia dan dibersarakan di bawah seksyen 10(5)(b) atau subseksyen 6A(6) Akta Pencen 1980 (Akta 227);**

*(Pilihan ini hanyalah bagi pegawai yang telah disahkan dalam perkhidmatan dan telah diberi taraf berpencen/berada dalam Skim KWSP atau belum disahkan dalam perkhidmatan semasa tetapi telah disifatkan sebagai pegawai berpencen mengikut undang-undang pencen yang berkuat kuasa)*

**ATAU**

\***(c)**

**Menolak tawaran opsyen pertukaran pelantikan dari skim perkhidmatan Pengawal Keselamatan Gred KP14 di Majlis Keselamatan Negara / Pejabat Ketua Keselamatan Malaysia (\*potong yang tidak berkenaan) ke skim perkhidmatan Pegawai Imigresen Gred KP19 di Jabatan Imigresen Malaysia dan dikendaki menamatkan perkhidmatan dengan mengemukakan surat peletakan jawatan. Tempoh notis dan bayaran balik sebulan gaji sebagai menggantikan notis yang tidak mencukupi dikecualikan.**

*(Pilihan ini hanyalah bagi pegawai yang belum disahkan dalam perkhidmatan atau pegawai yang menolak opsyen Skim KWSP semasa pengesahan dalam perkhidmatan tetapi belum diberi taraf berpencen)*

2. Saya sesungguhnya faham kandungan surat tawaran ini dan implikasi ke atas pilihan yang saya buat.

Tandatangan : .....  
Nama penuh : .....  
No Kad Pengenalan : .....  
Jawatan : .....  
Tarikh : .....

Di hadapan:

.....  
\*Saksi

Nama Penuh : .....  
No. Kad Pengenalan : .....  
Jawatan : .....  
Alamat : .....  
Tarikh : .....

*Nota: \*Ketua Jabatan atau Pegawai dalam Kumpulan Pengurusan dan Profesional*